




# KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 2, No. 5

website: [www.geocities.com/navaldiocese](http://www.geocities.com/navaldiocese)

December 2005



Most Rev. Filomeno G. Bactol, D.D.

## Mensahe

### WHISPERING HOPE

Pasko na usab. Alang kanatong mga kristiyanos, mahinungdanon ang kasaulogan sa Pasko sa Pagkatawo sa atong Ginoo tungod kay naghulagway kini sa tiunay nga paghigugma sa Diyos sa pagkahimong tawo Niya pinaagi sa Iyang bugtong Anak: si Hesukristo.

Apan alang sa kadaghanan, napapas na ang maong kahulugan sa Pasko tungod sa mga kalisud nga atong nahilaguman karon: ang kamahal sa mga palaliton ang EVAT, ang kagubot-politikal sa atong nasud, ang walay kukaluoy nga pagpatay sa mga igsoon nato sa media, ang GARCI tapes, ang isyu sa logging sa Samar, ang pag-ubos sa moralidad, ug uban pa nga mga panghitabo – kining tanan naghatag sa uban ug pagkawala nay paglaum. Mao tingali ang rason nga halos wala na ganiy mga dekorasyon ug suga sa Pasko nga atong makita sa kadalanan ug sa mga balay. Naglisud gayud kita karon!

Apan nawad-an na ba gayud ug kahulugan ang Pasko tungod niini nga mga kalisud? Ang kamahinungdanon ba sa Pasko nag-agad ba niini? Nga kung walay kalisud makahuluganon ang Pasko? Ug nga kung adunay mga kalisud, dili makahuluganon ang Pasko?

Ang tubag anaa ra sa unang kasaulugan sa Pasko. Maayo baya nato hinumduman nga ang Ginoo nagpakatawo 2005 ka tuig ang milabay taliwala sa kalisud. Gisaulog sa pamilya ni Jose, Maria ug Hesus ang unang Pasko taliwala sa katugnaw sa gabii ug kawad-on sa pasungan, sa kahadlok ug kabalaka sa bahad ni Herodes, sa kagutom ug kauhaw sa panaw sa Ehipto, ug sa tumang pag-antos sa pagkawalay nahut kay karpentero man lamang si Jose. Sa kasaulogan sa unang Pasko, tipik ug kaparte diay niini ang kalisud. Ug diha lamang nato masantup ang kamahinungdanon sa Pasko alang sa atong kaluwasan taliwala sa kalisud - ug dili bulag sa kalisud – nga atong nahilaguman karon.

Unsa man ang hagit kanato? Usa ka awit sa Pasko nagakanayon: *Whispering hope!...Making my heart in its sorrow rejoice!*

Sa Pagsaulog nato sa pagkahimong tawo sa atong Ginoo, ihunghong ug ipaambit ta ang mensahe sa Paglaum ngadto sa atong mga kasilinganan. Taliwala sa mga kalisud ug mga kakulian, ihunghong ta ang Paglaum nga maoy gidala sa atong Manunubos alang niadtong mga matuohon. Ihunghong ta ang Paglaum aron mosanay kini sa daghang katawhan ug aron magmainiton ang ilang mga kasingkasing nga naputos na sa kabugnaw.

Maayong Pasko kanatong tanan!

Bishop FILOMENO G BACTOL, D.D.

ug mga Kaparian sa Naval



## PAMALANDONG SA EBANGHELYO

**December 4, 2005:** Ikaduhang Domingo sa Adbiyento  
Basahon : Is. 40:1-5, 9-11/ 2 Pt 3:8-14/ Mk. 1: 1-8

### Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandong kanimo? Ngano man?

### Tema: (Basahon human sa mga paambit)

Ang basahon karong adlaw nagbutyag sa dakong saad ning panahon sa Adbiyento: ang saad nga ang Ginoo moabot. Kining maong mensahe daw duhay suwab. Nagtanyag kining duha ka butang: ang hulga ug ang kalipay. Ang ikaduhang Sulat ni Pedro nagtagna nang daan sa pag-abot sa makalilisang nga kalaglagan. Kini nag-ingon “Sa pag-abot sa Ginoo, ang kalibutan paglasyon sa kalayo.” Apan ang ikaduhang basahon ni Propeta Isaias naghulagway sa mahimayaong pagbalik sa katawhan sa Dios gikan sa paghingilin niini. Mihisgot kini sa pag-ingon; “Sa pag-abot sa Ginoo, ang kalibutan pagabag-ohon.” Si Juan nga Magbubunyag maoy naghupot sa yawe niining daw-nagkasumpaking paghulagway. Miasoy kini sa pag-ingon: “Sa pag-abot sa Ginoo, ibubo niya sa kalibutan ang bunyag sa Espiritu Santo.”

Diha sa makahinlong kalayo sa pagbag-o, ang kalibutan - nga nasayran na natong daan diha sa pagkamakasasala niini – lumalabay lamang; apan gikan sa mga abo sa kadautan niini mogitib ang bag-ong langit ug bag-ong yuta, ang gisaad nga ginharian sa Dios. Angay lang nga maghinamhinam kita sa iyang pag-abot uban ang kalipay apan uban usab ang kahadlok,. Kita ang kalibutan nga kinahanglang bag-ohon pinaagi sa kalayo sa Espiritu.

Apan ang Ginoo nga atong gikahinaman mianhi na uban kanato. Ang gahom sa Espiritu gitanyag na sa kalibutan. Ang igbubunyag nga tubig nabubo na

ang buhat sa pagbag-o gisugdan na. Naghingilin kini kanto apan sa samang higayon kini nagsaad.

Kanunay natong talikdan ang kanhing kalibutan, ang kanhiayng katilingban, ang kaniadtong kaugalingon nga pinatikan sa sala, bisan pag-imo kining gipakabililhon. Sa kanunay paaboton nato ang gingharian nga nagdala sa hustisya sa Dios kay kini maghingpit sa tanan tang paglaum.

Dili ba sayon ang magpaka-katawhan diha sa Adbiyento kay magkinabuhi man kita taliwala sa kalibutan nga nagkatun-as ug sa kalibutan nga nahimugso. Apan wala nagpasabot nga magbarog kita nga walay gibuhay taliwala sa mga nanghitabo ug sa gisaad. Daghan kitag buhaton. Adunay mga hugot sa panginahanglan nga kinahanglan pun-on, mga bukid sa inhustisya nga ipaubos. Ug alang sa atong Dios, aduna kitay tukorong dalan nga latas sa kamingawan sa atong kasingkasing ug sa atong katilingban, alang kanato gitanyag kini agig pagpangandam sa pag-abot sa bag-ong langit ug bag-ong yuta aron ang mensahe sa pag-abot sa Ginoo mamahimong tinuod gayod nga maayong balita alang sa tibuok kalibutan.

**Pamalandongi kini:**

- Bisan pag-imong gipakabililhon ang kanhing kalibutan, ang kanhiayng katilingban ug ang kaniadtong kaugalingon nga pinatikan sa sala, andam ka ba nga motalikod ug mosalikway niini?
- Unsa may imong gihimo agig pagpangandam sa pag-abot sa bag-ong langit ug bag-ong yuta?

**December 11, 2005:** Ikatulong Domingo sa Adbiyento  
 Basahon: Is.61: 1-2, 10-11/ 1Thes 5:16-24/ **Jn. 1:6-8,19-28**

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Masabtan nato nganong may sinugong gipadala aron pagpangutana kang San Juan nga Magbubunyag. Pipila man god sa mga batid sa teyolohiya didto sa Jerusalem nagpaabot og usa ka Mesiyas nga magabunyag kanila pinaagi sa Espiritu. Si Juan miabot didto sa amihanang dapit sa Patayng Dagat, haduol sa dapit diin ang mga Isrealita mitabok sa Suba sa Jordan aron pagsulod sa Yutang Sinaad. Nagbunyag siya ginamit ang tubig nga nagkahulogan og pagdawat sa tawag sa paghinulsol. Kinsa man diay kining tawhana nga ang bagang duot sa katawhan nagdagan pag-adto kaniya? Kinsa man diay siya nga, sa makausa pa, mipalanog sa maakusog sa tawag sa mga propeta human sa tulo ka gatos ka tuig nga kahilom niini? Makapahingangha ang tubag ni Juan diha sa iyang kamapaubsanon. Miangkon siya nga dili siya mao ang Mesiyas, ni siya mao si Elias nga mibalik (Mal. 3:23-24), ni ang gipaabot nga bantugang propeta (Deut. 19:18). Ang wala niya pag-angkon kon kinsa siya sigun sa mga pangagpas sa katawhan, nakapalibog og samot sa mga sinugo. Kini gisulat sa Bag-ong Kasabutan tungod kay pipila sa iyang mga sumusunod nagwali man og usa ka bunyag nga nakigparang sa bunyag sa karaang Simbahan. Nagmatuod siya nga siya ra gayod ang mag-uuna, ang yanong saksi, ang lampara nga gidagkotan sa Dios alang sa iyang Cristo, ang tingog sa Pulong.



**KATILINGBAN**  
 Ang sagol nga mensahe sa Dios: Ecumenical Communities (ECC) sa parokya sa New

**TEAM MINISTRY**

*Team Moderator:* Bishop Filomeno G. Bactol, D.D.

*Team Members:* Fr. Marvyn A. Maceda

Fr. Benjamin C. Pantas

Fr. Jesus G. Ty

Fr. Kenneth Hendricks

Fr. Dario Bebillo

Fr. Francisco Colasito

*Newsletter Moderator:*

Fr. Marvyn A. Maceda

*Encoder:*

Vinna Sabroso

*Computer Specialist*

Oscar O. Borrinaga

*Business Managers:*

Rizalito V. Curso

Conchita Calvez

**PARISH FORMATION TEAM**

Eudoxia Canonoy

Linda Roldan

Necitas Casado

Catalina Machete

Sonia Pitao

Josephine Romero

Reymund Icaín

Jonnel Quilaneta

Alfredo Olaer

Alfredo Paghubasan

Danny Jayubo

Gualberto Tonelete

Ramises Bongabong

Jorge Manco

Buddy Castro

Kinahanglan atong ilhon ang atong tahas isip mga tigdala ni Cristo. Gitawag kita nga magkinabuhi sama kang Cristo. Kining maong ubos nga tahas dili mahimong limot-limotan lang ni pasagdan. Ang pag-andam og dalan aron ang ubang tawo makaadto sa Ginoo dili baya gamayng butang nga gipangayo gikan kanato.

**Pamalandongi kini:**

1. Sa imong pagkabinunyagan, nakaamgo ka ba nga imong tahas ang pagdala sa ubang tawo ngadto sa Ginoo?
2. Ikaw, Cristiyano, dalan ba padulong kang Cristo o usa ba hinuon ka ali aron ang ubang tawo dili na makatultol ni makaadto kang Cristo?

**December 18, 2005:** Ika-upat nga Domingo sa Adbiyento  
 Basahon : 2 Sam 7: 1-5, 8-12, 14-16/Rom 16:25-27/  
**Lk. 1:26-38**

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Daw makapahingangha gayod sa mga Cristiyano nga ang Pagkatawo sa Dios diha ni Cristo mahitabo sa ingon lang niana ka yano ug hilom nga paagi. Sa gihapon matintal kita pagbasa sa mga gisaysay sa Ebanghelyo aron pagpangita og konkretong nga detalye nga maghisgot sa mga mabulokong pagpadayag sa Diosnong gahom diha sa kinabuhi sa usa ka ka kabos ug ubos nga dalaga sa Isreal. Kon nganong wala magpadayag o mga butang talagsaon aang sugilanon, kini tungod kay ang maong sugilanon nahimutang man sa tradisyon sa uabng mga sugilanon sukad pa gayod sa pagsugod sa kasaysayan sa piniling katawhan, ang Isreal. Mga sugilanon kini nga nagsaysay sa pagkatawo sa bantugang mga bayani sa katawhan sa Israel.

Ang pagsanong ni Maria maoy nagdugtong sa tawhanon ug Diosnong kasaysayan. Ang Dios nga nagmugna sa tanan nagsalig sa usa sa labing kabos ug walay gahom niya mga anak aron pagtuman sa iyang saad. Ang kamatuoran, nga ang Dios mibuot nga tumanon niya ang iyang laraw sa ingon nga paagi, nagpakita lang sa kahuyang sa atong pangisip

nga gamhanan. Nagpakita usab kini sa walay puas, sa makanunayon ug sa makapatingalang gugma sa Dios. Sa atong paghunahuna kon unsa ka dako ug kaanindot sa mga gasa nga atong ihatag sa atong mga minahal sa kinabuhi karong Pasko sa Pagkatawo sa atong Ginoo, maayo nga mohunong kita sa makadiyot ug diha sa kahilom, mamalandong kita sa kamapaubsanon sa kasingkasing diin ang Pulong sa makagagahom nga Dios nagpaabot sa pagsanong ni Maria.

**Pamalandongi kini:**

1. Sa unsa mang paagiha nasinati nimo ang walay puas, ang makanunayon ug ang makapatingalang gugma sa Dios?
2. Sa makadaghan, misanong ka ba sa mga pagtawag sa Dios kanimo?

**Disyembre 25, 2005:** Solemnidad sa Pagkatawo sa Ginoo  
 Basahon: Is. 52:7-10 / Heb. 1: 1-6 / Juan 1: 1-18

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Ang tawhanong kasaysayan gitan-aw sa mga mata sa pagtuo nga kasaysayan sa kaluwasan. Ang mga buhat sa Dios diha sa kalibutanon ug talagsaong mga hitabo sa atong kinabuhi.

Nakita sa mga Israelita ang tawag sa Dios sa dihang milangyaw ang ilang patriarkang si Abraham. Unya ang ilang paglayas gikan sa Ehipto dili lang nga usa kini ka kinaiyahang panghitabo nga mohunas ang Pulang Dagat. Kamot gayod kini sa Dios nga lihok pinaagi kang Moises. Si David nga anak ni Jesse mao ang maisog nga pangulo og hari. Naghupot siyag gahom nga gikan sa Dios sa mga paaging bag-o alang sa bag-ong makasaysayanon ug makakatilingbanong mga hitabo. Unya ang paghingilin sa mga Israelita maoy laing pagsinati sa gahom sa Dios. Giisip nila kini nga usa ka silot tungod sa ilang pagbudhi kaniya. Bisan pa niining mangiob nga mga higayon, ang kahayag sa Dios misubang sa ilang kasaysayan. Gani ang katawhan nakaingon man: "Ikaw pagatawgon og 'Akong gikahimot-an' ug ang imong yuta 'Akong Pangasaw-onon.' Kay ang

Ginoo nahimuot kanimo.” (Is. 62:4) Sila nga naglakaw diha sa kangitngit makakitag dakong kahayag.

Mao kini ang kinauyokan sa misteryo sa Pasko sa Pagkatawo sa atong Ginoo. Sa kanunay ang Dios maoy mihimo sa unang mga lakaw. Ug sa kanunay kita nahibulong ug natingala atubangan sa paglaum nga nagpakatawo diha sa kasaysayan.

Ang Ebanghelyo nga basahon sa tungang gabii layo ug lahi ra kaayo sa labing nailang pagsaysay alang niining adlawa. Ang ubang basahonon puno sa kasaysayan, sa teyolohiya ug sa kabalaknon niini, apan kanunay kitang mobalik sa ikaduhang kapitulo sa Ebanghelyo sumala ni San Lucas. Yano kaayo ang mga detalye niini: si Emperador Cesar Augusto nga mipakanaog og sugo nga ang tanang lumulupyo magpalista; si Jose og si Maria nga nagpanaw ngadto sa lungsod ni David- Bethlehem; ang usa ka panganayng anak nga lalaki nga gilimisan sa bakbak. Apan ang misteryo ug gahom nga ilang gitanyag dili gayod ikaasoy. Mahinumduman pa nato ang mga pasundayag sa eskwelahan diin ang mga magdudula magsul-ob og mga habol isip ilang sapot. O diba, malipay kitang makabati sa mga honi alang sa Batang natawo didto sa pasungan. Unya daw maganoy kita sa atong gibati. Si Hesus unang mipakita ngadto sa mga kabos nga mga magbalantay sa karnero. Ang iyang pag-ahni nagtawag kanato sa pagpuyo diha sa pagkamapugnganon, sa pagkamakiangayon ug pagkamatinud-anon. Unya pinaagi niining tanang mga pagbati ug kahidlaw, kita mamahimong bukas sa pagdawat sa sayon nga kamatuoran: nga ang Dios miduaw kanato.

**Pamalandongi kini:**

- Sa tanan nga imong nasinati sa kinabuhi-kalipay man o kaguol, kadaugan man o kapakyasan- imo bang nahimamat ang Dios?
- Sa unsa mang mga higayon sa imong kinabuhi nga makaingon ka nga moduaw kanimo ang Dios?

**BEC ACTIVITIES**

December 2005

December 3, 2005 ( Saturday)

**CLUSTER FELLOWSHIP**

BEC ILAYA & SMO. ROSARIO

Lugar: CATHEDRAL CHURCH

Oras: 7:00 PM. – 10:00 PM.

December 3, 2005 ( Saturday )

**SUPPORT VOCATION AWARENESS CELEBRATION**

7:30 AM. - Mass (Cathedral Church)

8:30 AM. - Parade

Participants: Commission on Clergy  
( Parish /BEC )

December 18, 2005 ( 3<sup>rd</sup> Sunday)

**PARISH & BEC CHRISTMAS GATHERINGS**

All BECs, Religious Movements & Cofradias

7:00 AM - Arrival /Registrations

Highlight: Christmas Daygon Contest  
(per BEC Area )

**BEC ANNIVERSARY**

BEC Sitio Mangga

December 7, 2005

BEC Brgy. San Pablo

December 8, 2005

BEC Sabang, Sto. Nino

December 9, 2005

BEC TAKUNG

December 15, 2005

BEC Brgy. Caraycaray zone 3

December 22, 2005

**LJC Rice Mill & Groceries**

Sitio Lupa, Calumpang Ground Floor, Naval Mall

*Owned and Managed by:*

**BONG BONGABONG**

**NAVAL COUNTRY INN**

*"Your home away from home"*

**&**

**NAVAL TOWN CENTER**